



NVE

Adresseinformasjon fylles inn ved ekspedering. Se mottakerliste nedenfor.

Vår dato: 27.10.2025

Vår ref.: 202308754-18/202314192-24/202519874-3/
202519873-5 Oppgje ved kontakt

Dykkar ref.:

Sakshandsamar: Herman Lange

Johnsen, herj@nve.no / 22 95 98 27

Høyring av konsesjonssøknadar i Vik kommune og invitasjon til møte

Noregs vassdrags- og energidirektorat (NVE) har motteke fire konsesjonssøknadar frå Statnett SF, Sygnir AS og Statkraft AS for kraftleidningstiltak i Vik kommune i Vestland fylke. Statnett søker om å byggje ein ny 420 kV kraftleidning frå Ramnaberg til nye Vik transformatorstasjon i Ovrisdalen. Sygnir søker i hovudsak om å overta og byggje om Statnett sin eksisterande 300 kV kraftleidning til 132 kV på strekinga frå Dagshovden til Hove, overta og byggje om Statnett sin transformatorstasjon på Hove til 132 kV, etablere ein 132 kV kraftleidning frå Hove til Refsdal og ny Refsdal transformatorstasjon. Statkraft søker om endra tilknytning til kraftnettet for Hove, Refsdal og Målset kraftverk.

Dei fire søknadane sendast med dette på ei felles høyring. Høyringsfristen er sett til 7. januar 2026.

Søknadane er tilgjengelege på NVE sine internettsider:

- Statnett: www.nve.no/16091/A
- Sygnir: www.nve.no/16121/A
- Statkraft (Hove kraftverk): www.nve.no/25810/A
- Statkraft (Refsdal og Målset kraftverk): www.nve.no/25797/A

Invitasjon til folkemøte 3. desember på Blix Hotell

NVE held offentleg møte onsdag 3. desember 2025 kl. 19.00. Møtet finn stad på Blix hotell i Sentrumsgata 44. NVE vil orientere om handsaminga av søknadane. Statnett, Sygnir og Statkraft vil vere til stades og orientere om planane. Møtet er ope for alle.

Høyringsfråsegn kan sendast til NVE innan 7. januar 2026

Gjennom høyring av konsesjonssøknaden ønskjer vi å få høyringsinstansane sine synspunkt på planane og forslag til tiltak som kan redusere negative verknader.

Høyringspartar kan sende fråsegn på ein av følgjande måtar:

E-post: nve@nve.no, Postboks 5091, Majorstuen, 0301 OSLO, Telefon: 22 95 95 95, Internett:

www.nve.no

Org.nr.: NO 970 205 039 MVA Bankkonto: 7694 05 08971



NVE

Norges vassdrags-
og energidirektorat

- via skjema for fråsegner via sakas nettside (sjå lenke over)
- via e-post til nve@nve.no (merk e-post med «Høyringsuttale» og saksnummer 202308754 (Statnett), 202314192 (Sygnir), 202519873 (Statkraft Hove kraftverk) eller 202519874 (Statkraft Refsdal og Målset kraftverk) i emnefeltet, og skriv namn og/eller organisasjonsnummer i innleiinga)
- via brev til NVE, Postboks 5091, Majorstuen, 0301 OSLO

Fråsegn eller delar av fråsegn vil bli referert i saka. Om fråsegna er lang, oppfordrar NVE høyringspartane til å sjølv skrive ein kortfatta konklusjon eller samandrag. Fråsegnene er offentlege dokument som vil vere tilgjengelege på internett, med mindre dei inneheld teiepliktig informasjon.

Søknadane

Statnett

Statnett søker om konsesjon etter energilova for å byggje ein ny om lag 23 km lang 420 kV kraftleidning frå Ramnaberg til nye Vik transformatorstasjon i Ovrisdalen slik som vist i figur 1 og figur 2 nedst i dette brevet. Tiltaka vil erstatte Statnett sin eksisterande 300 kV leidning på same strekning og anlegga deira i Hove og Refsdal stasjonar. Statnett søker difor òg om å rive dagens 300 kV leidning og Refsdal stasjon. Sygnir søker om konsesjon for å overta denne leidningen og den vil ikkje bli rive om dei får lov til dette.

Statnett søker òg om ekspropriasjonsløyve (oreigningslova av 23.10.1959, § 2 punkt 19) for naudsynte grunn og rettar for å byggje, eige og drive dei elektriske anlegga, inkludert rett til utbetringar av fylkesveg 5600, 5601, Elvegata, siste del av tilkomstvegen inn til stasjonsområdet og all naudsynt ferdsel/transport. Samstundes søker Statnett om førehandstiltreding (oreigningslova § 25) som inneber at grunn og tilkomstrett kan takast i bruk før skjøn er halde.

Grunn- og rettshavarar som ekspropriasjonssøknaden angår, kan finne relevant informasjon om kva det inneber på www.nve.no/grunneierinfo.

Sygnir

Sygnir søker om konsesjon i medhald av energilova for å overta og byggje om Statnett sin 300 kV leidning frå Dagshovden til Hove til 132 kV. Dei søker òg om å overta Statnett sin 300 kV transformatorstasjon på Hove og byggje denne om til 132 kV. Vidare søker dei om å etablere ein ny 132 kV leidning frå Hove til ny Refsdal transformatorstasjon ved sida av Statnett sin planlagde transformatorstasjon. Dei ønskjer primært å overta og byggje om Statnett sin 300 kV leidning til 132 kV på denne strekningen, alternativt å byggje ein heilt ny leidning rett nord for Statnett si nye 420 kV leidning. Sygnir planlegg vidare å overta Statkraft sin 66 kV leidning frå Hove til Refsdal og drive denne på 22 kV i medhald av sin områdekonsesjon. Dei ønskjer òg å rive 66 kV leidningen mellom Njøs og Hove og dagens 66 kV anlegg i Hove stasjon. Tiltaka Sygnir søker om er vist i figur 3.

Sygnir søker òg om ekspropriasjonsløyve (oreigningslova av 23.10.1959, § 2 punkt 19) for naudsynte grunn og rettar for å byggje, eige og drive dei elektriske anlegga, inkludert rett til all naudsynt ferdsel/transport. Samstundes søker Sygnir om førehandstiltreding (oreigningslova § 25) som inneber at grunn og tilkomstrett kan takast i bruk før skjøn er halde.



NVE

Norges vassdrags-
og energidirektorat

Statkraft

Statkraft søker om konsesjon i medhald av energilova for endringar i nettanlegga til Hove, Refsdal og Målset kraftverk.

Statkraft planlegg å byggje om dei elektriske anlegga i Hove kraftverk til 132 kV med tilknytning til Hove transformatorstasjon som Sygnir har søkt om å overta. Statkraft søker ikkje om ekspropriasjonsløyve for disse anlegga.

Statkraft søker vidare om konsesjon for å knyte Refsdal og Målset kraftverk til Sygnir sin nye Refsdal transformatorstasjon. For disse tiltaka søker Statkraft òg om ekspropriasjonsløyve (oreigningslova av 23.10.1959, § 2 punkt 19) for naudsynte grunn og rettar for å byggje, eige og drive dei elektriske anlegga, inkludert rett til all naudsynt ferdsel/transport. Samstundes søker Statkraft om førehandstiltreding (oreigningslova § 25) som inneber at grunn og tilkomstrett kan takast i bruk før skjøn er halde.

Spørsmål om saka?

Spørsmål om tiltaka kan de rette til Statnett ved prosjektdirektør Kenneth Teigenes, tlf. 45 02 27 27, e-post kenneth.teigenes@statnett.no, Sygnir ved prosjektleiar Thorleiv Hurthi, tlf. 419 15 843, e-post thorleiv.hurthi@sygnir.no eller Statkraft ved prosjektleiar Nils Westerheim, tlf. 952 81 089, e-post nils.westerheim@statkraft.com. Opplysningar om NVE si sakshandsaming kan de få ved å kontakte NVE v/Herman Lange Johnsen, tlf. 22 95 98 27 eller e-post herj@nve.no.

Med helsing

Tor Carlsen
fagleiar

Herman Lange Johnsen
seniorrådgjevar

Dokumentet vert sendt utan underskrift. Det er godkjent etter interne rutinar.

Mottakarliste:

Vik bondelag
Naturvernforbundet i Indre Sogn
Sogn friluftsråd v/Harald Otterstad
Vik bonde- og småbrukarlag
Villreinnemnda for Nordfjella, Fjellheimen og Raudafjell v/Hermund Mjelstad
STATENS VEGVESEN
Direktoratet for mineralforvaltning med Bergmesteren for Svalbard
Forsvarsbygg
Direktoratet for samfunnssikkerhet og beredskap (DSB) - Region Vest



NVE

Norges vassdrags-
og energidirektorat

MILJØDIREKTORATET

TELIA NORGE AS

TELENOR NORGE AS

Birdlife Norge

Luftfartstilsynet

AVINOR AS

NATURVERNFORBUNDET I SOGN OG FJORDANE

Sogn og Fjordane Bonde- og Småbrukarlag

Forum for Natur og Friluftsliv Sogn og Fjordane

Vestskog SA

Sogn og Fjordane Bondelag

Fortidsminneforeningen i Sogn og Fjordane

Vik Skogeierlag

NORGES LUFTSPORTFORBUND

MOTVIND NORGE

Natur og Ungdom Vestland

SOGNEKRAFT AS

LINJA AS

VIK TURLAG

Kopimottakarliste:

STATNETT SF


STATKRAFT AS

SYGNIR AS



NVE

Norges vassdrags- og energidirektorat




Figur 1: Oversiktskart ny 420 kV kraftledning Ramnaberg–Vik. Kjelde: Statnett sin konsesjonsøknad.



NVE

Norges vassdrags-
og energidirektorat




Figur 2: Detaljkart ny Vik transformatorstasjon. Kjelde: Statnett sin konsesjonssøknad.



NVE

Norges vassdrags- og energidirektorat



Figur 3: Oversiktskart over planlagde tiltak. Kjelde: Sygnir sin konsesjonssøknad.